

# D'Gschicht vom Ottokar



**Texscht : Mike Sutter**  
**Musig : Mike Sutter**

**Das isch d'Gschicht vom Ottokar  
wo gärn dr Grösch wär gsi  
wär das nid superwunderbar  
dr Grösch vor Wäut wär i**

**doch d'Natur isch offebar  
luunischer Natur  
statt dr grösch isch Ottokar  
vo gwöhnlecher Statur**

**är muess sogar für ehrlech z'si  
säuber zuegäh dass  
mit me Meter Sibezg bi  
ni höchstens Mittumass**

**doch eine wie dr Ottokar  
loht sech dür ne Luune  
vor Natur s'isch sunneklar  
ds Glück nid lo versuume**

**är überleit u kompensiert  
was ihm a Grössi fäuh  
indäm är sich nöi definiert  
aus gröschte Zwärg vor Wäut**

**Voilà - und hett zfride gnickt  
doch anschtatt jetz chli z'löje  
hett är mit viu Elan und gschick  
die Nachricht afo schtröje**

**so isch si via Journalischte  
i d'Redaktione  
und dört diräkt i d'ligangschishte  
für d'Sensatione**

**s'git Lüt die hei u Gä ke Rüh  
u schtärbe schier vor Gwunger  
darum hei si immerzue  
Sensationehunger**

**So wird üse Ottokar  
churzum wäutberühmt  
Wird gfiiret wie ne groosse Schar  
u wäg sir Grössi grühmt**

**doch wird ä jedi Sensation  
kätchet und heiss gässe  
für d'Lüt scho gli emou zur Gwohn-  
heit und de vergässe**

**doch Ottokar dä loht sech ni  
so eifach abserviere  
i däm Fau - dänkt är - tue ni mi  
no mou neu definiere**

**uns siehe da - dä Morge ziert  
wie zu aute Zyte  
Öttu farbig illuschiert  
sämtlech Titusite**

**giut wiederum aus Sensation  
verdient drmit viu Gäud  
u gnesst das Züg um si Pärson  
aus chlinschte Riis vor Wäut**